



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 48. Justinianus Africam recuperat.

[urn:nbn:de:hbz:466:1-66066](#)

Sæculum VI. nere, & Missam non celebret, sed Visita-
A.C. 535. tor ipsius munere fungatur. Hæc Episto-

Ep. 6.

la decimo quinto Cal. Aug. post Consula-
tum Paulini junioris, id est, decima
octava Julii anno 535. data est. Alia Epi-
stola eadem die data Agapitus Papa S. Cæ-
sario licentiam concedere renuit Fundos
Ecclesiæ alienandi ad alendos pauperes,
*quia, inquit, adversus Canones agere non
audemus, quæcunque nascatur occasio, aut
cujuscunque etiam Personæ utilitas id ex-
poscere videatur.*

§. XLVIII.

Justinianus Africam recuperat.

Inter hæc Summus Pontifex acceptis
Epistolis Synodis Episcoporum Afri-
cæ ipsorum Ecclesiæ Libertati redditas,
& a jugo Vandalarum vindicatas, com-
perit. Cum jam anno 531. Rex Vanda-
lorum Hildericus a Gilimero, cui post

Lib. I. ff. de eum corona destinabatur, Solio dejectus
Confir. di- fuisset, Justinianus, hujus facinoris vin-
gest.

dicta in se suscepta, sœdera inita inter

Zenonem Imperatorem & Regem Gen-

Procop. I. sericum fregit. Itaque anno Regni sui

Vand. c. 12. septimo, cum tertio Consul esset, nem-

*pe 533. quingentarum navium Classem
Belisario Præfecto in Africam misit. Ante-
quam Belisarius mari se committeret, Im-
perator Prætoriam ad littus & Cæsareum
Palatum, quam proxime poterat, advehi*

jussit

jussit, atque Epiphanius Patriarcha con- Sæculum VI.
gruis precibus navigio benedixit, impo- A. C. 535.
sito uno milite neo-baptizato. Vix fue-
re, qui Africam defenderent; igitur Ro-
manorum exercitus in Vigilia Festi S. Cy-
priani, id est, 13. Sept. mœnibus Civita- *ibid. c. 21.*
tis Carthaginensis admotus est. Extra
urbem in littore maris Ecclesia erat S. Cy-
priani honori dedicata, quam Ariani Fe-
stum celebraturi exornaverant. Purga-
verant pavimentum, lucernas suspende-
rant, atque omnia ornamenta, quæ in
Thesauro servabantur, expromserant.
Verum cum eadem die aliquot Vandalo-
rum turmæ, haud procul inde castra me-
tatæ, a Romanis fuissent profligatae, au-
fugientibus Arianorum Presbyteris Ca-
tholici Ecclesiam S. Cypriani ingressi lu-
cernas accendunt, & Festum solemniter
celebrant. Gilimero capto Vandalorum
in Africa Regnum post annos centum &
septem, ex quo eam occupaverant, Ju-
stiniano quarto Consule, Indictione duo- *Sup. XXIV.*
decima, nempe anno 534. extinctum est. *§. 51.*

Belisarius Constantinopoli triumpha-
vit. Inter spolia opima, quæ in hoc Tri-
umpho circumferebantur, nihil magis vi-
su dignum fuit, quam Vasa Sacra Jerozo- *L. II. Vand.*
lymitana ab Imperatore Tito olim Ro- *c. 9.*
mam allata & a Genserico expilata urbe *Africa sub-*
Carthaginem translata. Quidam Judæus *acta.*
conspectis his Vasis ad aliquem Procerum *Sup. l. II.*
XXVIII. *§. 40.*
dixit: *Sup. lib.* *§. 55.*

Sæculum VI. dixit: *non licet hæc vasa in Palatium Constantinopolitanum inferre, quia illa in eo solum loco esse oportet, in quo posuit ea Salomon.* Ut hoc crimen puniret Cælum, Imperii Caput Roma olim a Genserico dirupta, & nunc a Romanis Regia Vandorum Sedes capta. (*) Cum hæc dicta ad Imperatorem fuissent relata, timore corruptus mox omnia illa Vasa ad Ecclesiæ Jerosolymitanas transferri jussit.

Africa subacta Justinianus Reipublicæ formam, & Magistratus, restituit. Tunc Africa in septem Provincias divisa;

*L. I. Cod. de nimirum Zeugitanam, quæ prius Pro-
Præf. Præt. consularis dicebatur, Carthaginensem,
Afr. Byzacenam, Tripolitanam. Has qua-
tuor Viri Consulares regebant. Tres
aliae*

(*) Speciosa satis hic Judæus afferebat argumenta. Nempe ejusmodi argutiis obstinata hæc Natio suæ Perfidiæ velamen obtendit. R. P. Boucherius Ord. Min. in suo Fasciculo Sacro seu Itinere in Terram Sanctam Colloquium refert, quod vir Catholicus & Judæus miscuere. Quærebant ex Judæo Catholicus, quam ob causam Deus Populum suum in Veteri Testamento toties duræ captivitate premi permisisset? respondit Judæus, hac pœna Deum Patrum suorum Idolatriam castigasse. Rursus Catholicus; quænam Captivitas ceteris omnibus fuisse longior. Respondit Judæus, fuisse illam septuaginta annorum, nimirum Babyloniam. Instat Catholicus: cur vero

aliae erant Numidia, Mauritania & Sar- Sæculum VI.
dinia, in quas Præsides missi. Omnes A. C. 535.
autem Præfecto Prætorio Africæ, qui Car-
thagine Sedem habebat, parere jussi
erant. Justinianus multas urbes restau-
ravit, multa ædificia & Ecclesias magnæ Proc. ædif.
Lib. VI.
molis eduxit. In una Urbe Leptensi
quinque Ecclesias, & cœteris spectabilio-
rem S. Virgini dedicatam extruxit. Item
aliam eidem Virgini in urbe Septa pro-
pe fretum, quæ hodie Ceuta dicitur, ædi-
ficavit. Rursusque aliam Carthagine, &
in eadem urbe Monasterium, quod a suo
Nomine Justinianeum appellari voluit.

§. XLIX.

vero postquam Titus Ieroſolymam cepit, Capti-
vitas hæc ultima & Gentis vestræ calamitas jam
annos mille & septingentos durat? Reponit Ju-
dæus, Gentis suæ avaritiam & inter Fratres Dis-
cordiam illa Peccata esse, quæ Deus tam diutur-
na Captivitate puniret. Ad hæc Catholicus:
Quis credat, hodie avaritiam vestrā & Discor-
diam graviora peccata esse, & majore pæna dig-
na, quam olim Patrum vestrorum Idolatriam,
quod est peccatorum omnium maximum? imo
Deus effusum Filii sui Sanguinem vindicat, &
Judæorum rabiem, clamantium: *Sanguis ejus*
fit super nos, & super filios nostros! Matth. 27. 25.
Non habuit Judæus, quod reponeret.

Hist. Eccles. Tom. VII.

Mm